

## Oromo - Spiritual Warfare Intro Scriptures

**Luqaas 17:5 Ergamoonni yommus gooftichaan, 'Amantii keenya nuuf guddisi!' jedhan.**

**Roomaatti 10:17 Egaa amantiin dhaga'uu irraa in dhufa, wanti dhaga'uun ta'u immoo dubbii Kristosiin in beekama.**

**Luqaas 11:1 Yesus iddo tokkotti in kadhata ture; kadhannaa isaa erga dhaabee booddee, bartoota isaa keessaa tokko, 'Yaa gooftaa, Yohannis bartoota isaa akkuma barsiise kadhachuu nu barsiisi!' jedheen.**

**1 Ximootewoosiitti 2:1-4 Ammas waan hundumaa dura himannaan, kadhannaan, warra kaaniif dubbachuun, galata dhi'eessuunis Waaqayyo duratti nama hundumaaf akka godhamuuf nan gorsa. 2 Nagaatti gabiiitti akka namoota Waaqayyootti jirenya ulfina qabu jiraachuu akka dandeenyuuf, moototaaf, biyya bulchuu keessatti warra aboo qaban hundumaafis akkasuma godhaa! 3 Kun gaarii dha, fuula Waaqayyoo fayyisaa keenyaa durattis fudhatamaa dha. 4 Waaqayyo, namni hundinuu akka fayyu, dhugaa beekuu biras akka ga'u in fedha.**

**Zakaariyas 3:1,2 Yeroo kan biraam immoo Iyaasuun angafni lubaa ergamaa Waaqayyoo dura utuu dhaabatuu, Seexanni immoo isa hammeessuudhaaf gara mirgaa isaa dhaabachaa utuu jiruu inni anatti in argisiise; 2 yommus ergamichi Waaqayyoo Seexanaan, 'Waaqayyo si haa ifatu Seexana nana! Waaqayyo inni Yerusaalemin fo'ate si haa ifatu! Namichi kun akka mukukkula ibidda boba'aa jiru keessaa butamee ti mitii ree?' jedhe.**

**Efesooniitti 6:12 Nuyi namoota foon uffatanii wajjin wal'aansoo wal qabna miti; garuu humnoota aboo qabanii fi gooftummaa qaban, warra bantii waaqaa keessaa biyya lafaa isa dukkana keessa jiru kana seerratan, macca hafuurota hamminaa warra bantii waaqaa keessa jiraatanii wajjin wal'aansoo wal qabna.**

**Efesooniitti 6:10,11 Kanaa achi, gooftaatti humna isaa isa aangoo-qabeessattis jabaadhaa. 11 Haxxummaa Seexanaatiin mormuu akka dandeessanitti, mi'a lolaa isa kan Waaqayyoo guutummaatti hidhadhaa!**

**Efesooniitti 6:13-17 Kanaaf guyyaa hamaa sanatti mormitanii ittiin**

qabuu, mi'a guutummaatti hidhattan sanaanis lolatti dhaabachuu akka dandeessanitti, mi'a lolaa isa kan Waaqayyo fudhadhaa! 14 Egaa akka nama sabbataan hidhatuutti dhugaadhaan mudhii keessan jabeeffadhaa, qajeelummaas akka maddaa sibilaatti uffadhaatii dhaabadhaa! 15 Akka nama kophee kaa'ateettis wangeela nagaa fudhantanii, isa lallabuudhaaf qophaa'aa! 16 Kana hundumaa irrattis amantii akka gaachanaatti fudhadhaa! Isaan xiyya isa hamaa sanaa, warra boba'aa adeeman dhaamsuu in dandeessu. 17 Fayyina akka gonfoo-sibilaatti, sagalee Waaqayyoos akka billaatti, hafuura qulqulluu biraa fudhadhaa!

Ibrootaatti 4:12 Dubbiin Waaqayyo jiraataa dha, humna hoijetus of keessaa qaba, billaa gar lamaan qarame caalaa qara qaba; inni lubbuu fi hafuura, buusaa fi dhuka gargar in baasa, yaadaa fi akeeka garaa namaas qoree faraduudhaaf in danda'a.

Luqaas 4:8 Yesus immoo deebisee, "'Waaqayyo gooftaa keetiif jilbeenfattee sagadi, isa duwwaafis hojjedhu!" kan jedhu caafameera' jedheen.

Efesooniitti 6:18 Kadhataa fi himata keessan hundumaa keessatti yeroo hundumaa hafuuraan geggeeffamaatii kadhadhaa! Egaa kadhachuutti dammaqaa, obsaanis itti jabaadhaa, warra Waaqayyoof qulqullaa'an hundumaafis kadhadhaa!

1 Saamu'elitti 17:45-47 Daawit immoo Filisxeemichaan, 'Ati illee billaa, eeboodhaa fi bodee keetiin anatti dhuftaa, ani garuu maqaa Waaqayyo gooftaa maccaa, Waaqayyo loltoota Israa'el isa ati itti ga'ifte sanaan sitti nan dhufa; 46 har'a Waaqayyo harka koo keessa si buusa; ani si ajjeesee mataa kee si irraa nan kuta, reeffa loltoota Filisxeemis allaattota waaqa keessa balali'anii fi bineensota caakkaatiif nan godha; yommus gooftichi Israa'elootaaf Waaqayyo isaanii akka ta'e guutummaan biyya lafaa in beeka. 47 Lolli kan Waaqayyo waan ta'eef, Waaqayyo harka keenya keessa si buusa; Waaqayyo billaadhaa fi eeboodhaan akka hin oolchine walga'iin kun hundinuu in beeka' jedhe.

Luqaas 10:17-20 Jarreen torbaatamii lamaanis guddaa gammadaa deebi'anii dhufanii, 'Yaa gooftaa, maqaa keetiin yommuu isaan abboomne, hafuuronni hamoonni iyyuu nuuf abboomaman' jedhaniin. 18 Yesus immoo deebisee, 'Seexanni akka bakakkaa waaqa keessaa bu'uutti, utuu inni kufuun arge. 19 Ani, kunoo, mar'ataa irra, torbaanqabaa irra, aangoo diinaa hundumaa irras ejechuu akka

**dandeessaniif, gooftummaa isiniif kenneera; homtinuuus isin hin miidhu. 20 Haa ta'u iyyuu malee, hafuuronni hamoonni isiniif abboomamuu isaaniitti hin gammadinaa; maqaan keessan waaqa irratti waan caafameef, guddisaa gammadaa malee' isaaniin jedhe.**

**2 Qorontoosiitti 10:3-5 Nama foonii yoo taane iyyuu, akka yaada fooniitti nama lolla miti. 4 Mi'i waraanaa keenya mi'a da'oo jajjabaa jigsuudhaaf Waaqayyoof hojjechuu danda'uu dha malee, mi'a namni foonii ittiin hojjetu miti; yaada amansiisa hin qabne isa nama wallaalchisuuf qophaa'es in diiga. 5 Waanuma ogummaa Waaqayyoo gufachiisuudhaaf dura dhaabatu hundumaa diignee, yaada namootaa Kristosiif abboomsisuudhaaf in boojina.**

**Maatewoosiv 16:19 Banaa mootummaa waaqaa siifan kenna; waanumti ati lafa irratti hiite, waaqa irratti hidhamaa in ta'a; waanumti ati lafa irratti hiikte immoo waaqa irrattis hiikamaa in ta'a' jedhe.**

**2 Ximootewoosiitti 1:7 Waaqayyo hafuura humnaa, kan jaalala fi kan of qabuu malee, hafuura ija-laafinaa nuuf hin laanne.**

**Maatewoosiv 12:28,29 Ani garuu hafuura Waaqayyootiin hafuurota hamoota kanan baasu erga ta'ee, mootummaan Waaqayyoo isin irratti dhufeera. 29 'Yookiis namicha jabaa sana duraan dursee yoo hidhe malee, attamitti namni mana nama jabaa tokkoo lixee mi'a isaa saamuu danda'a ree? Erga isa hidhee garuu dhuguma mana isaa akka jirutti saamuu in danda'a.**

**Efesooniitti 1:13 Isinis immoo ergaa dhugaa, wangeela fayyina keessanii karaa isaa dhageessan; isin warri dhageessanii itti amantan, hafuura qulqulluun isa abdachiifameen mallateeffamtaniittu.**

**Hujii Ergamtootaa 19:6 Yeroo Phaawulos harka isaa isaan irra kaa'etti hafuurri qulqulluun isaan irratti bu'e; isaan afaan hin beekamneen haasa'an, raajiis in dubbatan.**

**Maarqoosi 16:15-18 Inni, 'Gara biyya lafaa hundumaa dhaqaa! Uumama hundumaattis wangeela lallabaa! 16 Namni amane namni cuuphames in fayya; namni hin amanne garuu itti in faradama. 17 Warra anatti amanan birattis milikkitoonni kun in argamu; warri anatti amanan kun maqaa kootiin hafuurota hamoota in baasu, afaanota haaraadhaanis in dubbatu. 18 Bofa yoo qaban yookiis waan nama ajjeesu yoo dhugan isaan hin miidhu; harka isaaniis warra dhukkubsatan irra in kaa'u, isaanis in fayyu' isaaniin jedhe.**

**1 Yohaannisi 1:9 Cubbuu keenya yoo isatti himanne, inni amanamaa fi**

**qajeelaa waan ta'eef, cubbuu keenya nuuf in dhiisa, jal'ina keenya hundumaattiis nu qulleessa.**

**Exodus 20:5** Ati bifaa fakkeenyaa kanaaf hin sagadin, isaafis hin hojjetin! Ani Waaqayyo gooftaan kee Waaqayyo hinaafaa dha; cubbuu abbootaa hamma dhaloota sadii, hamma dhaloota afuriittis harka ijoollee warra na jibbanii keessaa nan barbaada.

**Psalms 109:17** Inni abaaruu jaallate, abaarsi isa irra haa ga'u! Eebbatti hin gammanne, innis isattii haa fagaatu!

**Judges 16:16** Har'aa bor isa gaafachuudhaan rakkiftee taa'uu fi ka'uu waan isa dhowwiteef hamma du'aatti in gadde.

**Efesooniitti 4:26** Yoo aartan iyyuu aariin keessan gara cubbuutti isin hin geessin! Utuma aariitti jirtaniis aduun isin duraa hin lixin!

**Roomaatti 14:12** Kanaafis nu keessaa hundumtinuu adda addaan waan godhe sababii isaa wajjin Waaqayyotti himuuf jira.

**1 Yohaannisi 2:23** Namni ilmicha ganu abbichaa wajjin firooma hin qabu; ilmicha amanachuu isaa kan beeksisu immoo abbichaa wajjinis firooma qaba.

**Yohaannisi 14:6** Yesus deebisee, 'Karichi, dhugaan, jirenyis, ana; anaan yoo ta'e malee, eenyu iyyuu gara abbaa hin dhufu.

**Maatewoosiv 11:28-30** Yesus itti fufee, 'Isin warri itti dhamaatanii dadhabdan, ba'aanis kan isinitti ulfaatu hundinuu gara koo kottaa; ani boqonnaa isiniifan kenna. 29 Waanjoo koo fuudhaatii baadhaa, ana irraas baraa; anoo garraamii dha kanan gad of deebises; boqonnaas lubbuu keessaniif in argattu. 30 Waanjoon koo nama hin dhibu, ba'aan *namni anaaf jedhee baatus salphaa dha' jedhe*.

**2 Qorontoosiitti 6:2** Waaqayyo, 'Yeroo ana biratti jaallatamee fudhatametti siif dhaga'eera; guyyaa fayyinaattis si gargaareera' jedha. Kunoo, yeroon jaallatamee fudhatame amma; kunoo, guyyaan fayyinaa amma!

**Roomaatti 10:13** Caaffanni qulqullaa'aan, 'Namni maqaa gooftaa waammatu hundinuu in oola' in jedha.